



清代起居注冊

國立故宮博物院珍藏



同治朝第三十二冊

國立故宮博物院珍藏



清代起居注冊

同治朝

第三十二冊

同治八年七月上……	一七六一三
同治八年七月下……	一七六四七
同治八年八月上……	一七六八七
同治八年八月下……	一七七二三
同治八年九月上……	一七七五一
同治八年九月下……	一七七八七
同治八年十月上……	一七八一九
同治八年十月下……	一七八五九
同治八年十一月上……	一七九〇九
同治八年十一月下……	一七九五—
同治八年十二月上……	一八〇〇五
同治八年十二月下……	一八〇五九

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78
7436
72

NT \$ 86,000.00

72 · 12 · 0650

· 89007189 ·

清代起居注冊 同治朝第三十二冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六一六—二三一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治八年歲次己巳七月初一日辛未

上詣綏履殿

母后皇太后前請安平安室

聖母皇太后前請安內閣奉

諭旨李鴻章郭柏蔭奏請將虧短錢糧之降調知

縣革職等因著追一摺湖北降調知縣沈亨前

在署天門縣任內虧短正雜錢糧等銀至八千

九百餘兩之多疊經該督撫勒限嚴追該員輒以挪付勇糧等項為詞並不將欠解銀兩趕緊解交實屬膽玩前署天門縣事降補巡檢沈亨著即行革職挈問所有該員寓所資財著李鴻章等嚴密查抄並咨明直隸總督順天府府尹將該員原籍家產一併查封備抵仍由李鴻章等提集經手書吏人等查明是侵是挪勒限追

激按律懲辦餘著照所議辦理該部知道

是日

起居注官文奎楊秉璋

初二日壬申

上詣綏履殿

母后皇太后前請安平安室

聖母皇太后前請安是日巳刻

上詣漱芳齋跪迎

母后皇太后

聖母皇太后幸漱芳齋看戲午初進果桌午正進午

膳內閣奉

諭旨巡視東城給事中烏爾棍布等奏拏獲鄰境盜
犯出力各員請予獎敘並部選千總懇請改獎
各摺片著該部議奏又奉

諭旨英桂下寶第奏道員員缺緊要揀員請旨簡
放一摺福建臺灣道員缺著黎兆棠署理

是日

起居注官紹祺徐桐

初三日癸酉

上詣綏履殿

母后皇太后前請安平安室

聖母皇太后前請安內閣奉

諭旨御史宋邦德奏請飭各省籌補常平倉穀等
語常平倉為積儲良策自軍興以來各省倉穀
率多空虛亟應及早籌補以備災歉著各直省
督撫督飭該管道府按屬查報應如何籌款分
年買補並嚴杜州縣侵挪之處即行妥籌辦理

又奉

諭旨吳坤修奏各屬被水災黎先行籌款撫卹等語安徽懷甯等十六州縣本年夏間雨水過多江湖泛漲漂沒田廬小民困苦顛連殊堪矜憫現經該署撫籌銀三萬兩分交安廬徽甯兩道督屬分別撫恤卽著飭令該管各地方官躬親督率妥為經理毋任吏胥侵蝕並著該署撫親赴沿江各屬實力稽查以杜弊端目下節屆秋

令該地方農田能否補種仍著察看情形隨時
具奏是日兵部題湖南儘先遊擊向顯章擬補
湖南鎮草鎮標中營遊擊奉

諭旨向顯章依擬用餘依議

是日

起居注官蘇勒布錢寶廉

初四日甲戌

上詣綏履殿

母后皇太后前請安平安室

聖母皇太后前請安是日太常寺題本月二十五日

仁宗睿皇帝忌辰祭

昌陵奉

諭旨遣載遷行禮

是日

起居注官鄂芳馬恩溥

初五日乙亥

上詣綏履殿

母后皇太后前請安平安室

聖母皇太后前請安內閣奉

諭旨山西陽平府知府員缺著恩霖補授又奉

諭旨溥懋等奏知縣拖延欠餉請飭查叅一摺直

隸豐潤縣應解

孝陵

孝東陵禮部內務府本年春夏二季餉銀米折及上年夏季八旗兵餉屢經溥懋等行催守提該縣知縣彭載恩任意延宕實屬玩誤著直隸總督飭令藩司查明該縣應解餉銀是否已領未解抑或具領遲延即行據實嚴叅餘著照所議辦

理該衙門知道又奉

諭旨鄭敦謹奏請將民借倉穀暫緩徵收一摺以
西吉州民欠未完同治七年倉穀二千五十餘
石該州前被匪擾上年又秋收歉薄若將未完
穀石一律徵收民力實有未逮加恩著照所請
所有吉州應徵同治七年未完倉穀二千五十
餘石著緩至同治九年秋後徵收以紓民力該

撫卽刊刻謄黃徧行曉諭務使實惠均霑毋任
吏胥舞弊以副朝廷軫念至意該部知道

又奉

諭旨吏部左侍郎胡肇智奏病難速痊請開缺調
理一摺胡肇智著賞假一箇月調理毋庸開缺
又奉

諭旨丁寶楨奏請將劣員革職等語山東候補知

縣楊鐸行止卑污聲名惡劣即著革職永不敘
用該部知道又奉

諭旨劉典奏請調道員赴陝差委一摺除前任臺
灣道吳大廷業經飭令回閩毋庸赴陝外安徽
候補道易潤壇著准其調赴陝西交劉典差遣
委用又奉

諭旨劉典奏遵旨查明才不勝任之和府送部引